

C-1
PGR-3/0043

OFFICIUM
SANCTISSIMI CORDIS
DOMINI NOSTRI JESU CHRISTI
RECITANDUM IN TOTA HISPANIA,
Sub Rit. Dup. 2. Clasis, ex Apostolico
indulso Feria sexta post Octavam
Corporis Christi.



CUM LICENTIA.

I^LERDÆ : Typ. BONAVENTURÆ COROMINAS,
ET ROSÆ ESCUDÉR.

PCOR-3/0043

OFFICIO

SANCTISSIMI CORDIS

DOMINI NOSTRI JESU CHRISTI.

*RECITANDUM IN TOTA HISPANIA ,
sub rit. dup. 2. clasis , ex Apostolico
indulso Feria sexta post Octavam
Corporis Christi.*

AD VESPERAS.

*Antiph. De torrénte in via babit : prop-
téreà exaltávit caput.*

PSALMUS 109.

DIxit Dóminus Dómino meo : * Sede à
dextris meis.

Donec ponam in inimicos tuos : * sca-
bélum pedum tuórum.

Virgam virtutis tuæ emittet Dóminus ex
Sion : * domináre in médio inimicórum
tuórum.

Tecum principium in die virtútis tuæ in
splendóribus sanctórum : * ex útero ante
luciferum génuí te.

Jurávit Dóminus , & non pœnitibit
eum : * tu es Sacerdos in ætérnum secún-
dum órdinem Melchisedech,

Dóminus à dextris tuis : * confrégit in

10 Joh 901

die fræ suæ reges.

Judicabit in nationibus , implébit rui-
nas : * conquassabit capita in terra multórum.

De torrénte in via bibet : * proptéreà
exaltávit caput.

Antiph. De torrénte in via bibit : prop-
téreà exaltávit caput.

Antiph. Miserator Dominus , redemptio-
nem misit pópulo suo.

Psalmus 110.

Confitebor tibi Dómine in toto corde
meo : * in consilio justórum , & con-
gregatióne.

Magna ópera Dómini : * exquisita in
omnes voluntates ejus.

Confessio , & magnificentia opus ejus : *
& justitia ejus manet in sæculum sæculi.

Memoriām fecit mirabilium suórum , mi-
sericors & miserator Dóminus : * escam
dedit timéntibus se.

Memor erit in sæculum testaménti sui : *
virtútem óperum suórum annuntiabit pó-
pulo suo.

Ut det illis hæreditatem Gèntium : * ópe-
ra mánuum ejus , veritas , & judicium.

Fidélia ómnia mandáta ejus confirmata
in sæculum sæculi : * facta in veritáte , &

æquitatē.

Redemptiōnem misit pópulo suo : * man-
davit in æternum testamentum suum.

Sanctum , & terrible nomen ejus : * ini-
tiūm sapiéntiæ timor Dómini.

Intelléctus bonus ómnibus facientibus
eum : * laudátio ejus manet in sæculum
sæculi.

Antiph. Miserátor Dóminus , redemptiō-
nem misit pópulo suo.

Antiph. Apud Dóminum misericórdia , &
copiosa apud eum redemptio.

Psalmus. 129.

DE profundiis clamávi ad te Domine : *
Domine exáudi vocem meam.

Fiant aures tuæ intendéntes : * in vo-
cem deprecationis meæ.

Si iniuitates observáveris Dómine : *
Dómine quis sustinebit.

Quia apud te propitiatio est : * & prop-
ter legem tuam sustinui te Dómine.

Sustinuit áнима mea in verbo ejus : *
sperávit áнима mea in Dómino.

A custódia matutina usque ad noctem : *
speret Israël in Dómino.

Quia apud Dóminum misericordia : * &
copiosa apud eum redemptio.

Et ipse rédimet Israël : * ex omnibus
iniquitatibus ejus.

Antiph. Apud Dóminum misericórdia ,
& copiosa apud eum redemptio.

Antiph. Super misericórdia tua Dómine ,
confitébor tibi in toto corde meo.

Psalmus 137.

COnfítébor tibi Dómine in toto corde
meo: * quoniam audisti verba oris mei.

In conspectu Angelórum psallam tibi : *
adorábo ad templum sanctum tuum , & con-
fitebor nómini tuo.

Super misericórdia tua , & veritáte tua : *
quóniam magnificásti super omne , nomen
sanctum tuum.

In quacúmque die invocávero te , exau-
di me : * multiplicabis in ánima mea vir-
tutem.

Confiteántur tibi Dómine omnes reges
terræ: * quia audiérunt ómnia verba oris tui.

Et cantent in viis Dómini : * quóniam
magna est glória Dómini.

Quoniam excelsus Dóminus , & humilia
rēspicit : * & alta á longe cognoscit.

Si ambulávero in médio tribulatiónis :
vivificabis me : * & super iram inimicórum
meórum extendisti manum tuam , & sal-

vum me fecit déxtera tua.

Dóminus retribuet pro me : Dómine mi-
sericórdia tua in sæculum: * ópera manuum
tuárum ne despicias.

Antiph. Super misericórdia tua , Dómi-
ne , confitébor tibi in toto corde meo.

Antiph. Suávis Dóminus univérsis , &
miseratiónes ejus super ómnia ópera ejus.

Psalmus 144.

EXaltábo te Deus meus Rex : * & be-
nedicam nómini tuo in sæculum , &
in sæculum sæculi.

Per singulos dies benedic tibi: * &
laudabo nomen tuum in sæculum , & in
sæculum sæculi,

Magnus Dóminus , & laudábilis nimis: *
& magnitudinis ejus non est finis.

Generatio , & generatio laudábit ópera
tua : * & potentiam tuam pronuntiábunt.

Magnificentiam glóriæ sanctitatis tuæ
loquéntur : * & mirabilia tua narrábunt.

Et virtutem terribilium tuórum dicent: *
& magnitudinem tuam narrábunt.

Memóriam abundantiæ suavitatis tuæ
eructábunt: * & justitia tua exultábunt.

Miserátor , & misericors Dóminus : * pà-
tiens , & multum misericors.

Suavis Dóminus universis : * & miserationes ejus super ómnia ópera ejus.

Confiteántur tibi Dómine ómnia ópera tua : * & sancti tui benedicant tibi.

Gloriam regni tui dicent : * & poténtiam tuam loquentur.

Ut notam fácient filiis hóminum poténtiam tuam : * & gloriam magnificéntiæ regni tui.

Regnum tuum , regnum ómnium sæculórum : * & dominatio tua in omni generatióne , & generatiónen.

Fidélis Dóminus in ómnibus verbis suis : * & sanctus in ómnibus opéribus suis.

Allevat Dóminus omnes qui córruunt: * & erigit omnes elíos.

Oculi ómnium in te sperant Domine : * & tu das escas illórum in témpore opportúno.

Aperis tu manum tuam : * & imples omne animal benedictiōne.

Justus Dóminus in ómnibus viis suis : * & sanctus in ómnibus óperibus suis.

Propé est Dóminus ómnibus invocántibus eum : * ómnibus invocántibus eum in veritate.

Voluntatem timentium se fáciet : * & deprecationem eórum exaudiet , & salvos fáciet eos.

Custódit Dóminus omnes diligentes se : * & omnes peccatores disperdet.

Laudatióne Dómini loquétur os meum : * & benedicat omnis caro nomini sancto ejus in sæculum , & in sæculum sæculi.

Antiph. Suávis Dóminus univérsis , & miseratiónes ejus super ómnia ópera ejus.

Capitulum. Cant. 3. 11.

E Gredímini , & videte , Filiae Sion , Regem Salomonem in diadémate , quo coronávit eum mater sua in die desponsationis ejus , & in die lætitiæ Cordis ejus.

HYMNUS.

QUICÚMQUE certum quæreritis
Rebus levámen áasperis :
Seu culpa mordet ánxia ,
Seu poena vos premit comes.

Jesu , qui ut agnus innocens ,
Sese immolándum trádidit ,
Ad Cor reclusum vulnere ,
Ad mite Cor accedite.

Auditis ut suavissimis
Invitet omnes vócibus !
Veníte quos gravat labor ,

Premitque pondus criminum.

Quid Corde Jesu mitius ?
Jesum cruci qui affixerant
Excusat , & Patrem rogat ,
Ne perdat ultor ímpios.

O Cor , volúptas cœlitum ,
Cor fida spes mortálium ,
En hisce tracti vócibus
Ad te venimus súpplices.

Tu nostra terge vñlera
Ex te fluénte sanguine :
Tu da novum cor ómnibus ,
Qui te geméntes invocant. Amen.

V. Miserátor , & misericors Dóminus.
R. Longánimis , & multum misericors.

AD MAGNIFICAT.

Antiph. Misericordia Domini á progénie
in progénies timéntibus eum. Alleluja.

ORATIO.

FAc nos , Dómine Jesu , Sanctissimi
Cordis tui virtútibus indui , & afféctu-
tibus inflammári : ut & imagini bonitatis
tuæ conformes , & tuæ Redemptionis me-
reámur esse participes. Qui vivis , & reg . &c.

AD MATUTINUM.

INVITATORIUM.

Cor Jesu , charitatis victimam : Venite ,
adorémus.

Psalm. Venite , exultémus Domino.

Hymn. Quicúmque certum quæritis , ut
supra ad Vesperas.

IN I. NOCTURNO.

Antiph. Factum est cor meum tamquam
cera liquéscens in medio ventris mei.

Psalmus 21.

Deus , Deus meus , respice in me : qua-
re me dereliquisti : * longé á salu-
te mea verba delictorum meorum.

Deus meus clamabo per diem , & non
exáudies : * & nocte , & non ad insipié-
tiā mihi.

Tu autem in sancto hábitas ; * laus
Israël.

In te speravérunt patres nostri : * spe-
ravérunt , & liberasti eos.

Ad te clamavérunt , & salvi facti sunt : *
in te speravérunt , & non sunt confusi.

Ego autem sum vermis , & non homo : *
opprobrium hominum , & abjectio plebis.

Omnis videntes me, deriserunt me : *
Locuti sunt labiis, & moverunt caput.

Speravit in Dómino, eripiat eum : * sal-
vum faciat eum, quoniam vult eum.

Quoniam tu es, qui extraxisti me de
ventre : * spes mea ab ubéribus matris
mæ. In te projectus sum ex útero.

De ventre matris mæ Deus meus es tu : *
ne discesseris á me.

Quóniam tribulatio próxima est : * quó-
niā non est qui adjuvet.

Circumdedérunt me vituli multi : * tauri
pingues obsedérunt me.

Aperiúerunt super me os suum : * sicut
leo rápiens, & rúgiens.

Sicut aqua effúsus sum : * & dispérsa
sunt ómnia ossa mea.

Factum est cor meum tamquam cera li-
quescens : * in medio ventris mei.

Aruit tamquam testa virtus mea, & lin-
gua mea adhæsit fáucibus meis : & in pul-
verem mortis deduxisri mé.

Quóniam circumdedérunt me canes mul-
ti : * concilium malignántium obsédit me.

Fodérunt manus meas, & pedes meos : *
dínúmeravérunt ómnia ossa mea.

Ipsi veró consideravérunt, & inspexé-
runt me : * divisérunt sibi vestimenta mea,

& super vestem meam misérunt sortem.

Tu autem, Dómine, ne elongáveris au-
xiliū tuum á me : * ad defensiōnem me-
am cónspice.

Erue à frámea Deus ánīmam meam : *
& de manu canis únicam meam.

Salva me ex ore leónis : * & á cornibus
unicórniū humilitátem meam.

Narrabo nomen tuum frátribus meis : *
in medio Ecclesiæ laudábo te.

Qui timetis Dóminum, laudate eum : *
universum semen Jacob glorificate eum.

Timeat eum omne semen Israél : * quó-
niā non sprevit, neque despéxit depre-
catiōnem páuperis.

Nec avertit faciem suam á me, * & cum
clamarem ad eum, exaudivit me.

Apud te laus mea in Ecclesia magna : *
vota mea reddam in conspectu timentium
eum.

Edent páuperes, & saturabúntur, &
laudábunt Dòminum, qui requirunt eum : *
vivent corda eorum in sæculum sæculi.

Reminiscentur, & convertentur ad Dò-
minum : * universi fines terræ.

Et adorabunt in conspectu ejus : * uni-
versæ familiæ Gentium.

Quóniam Dómini est regnum : * & ipse

dominabitur Gentium.

Manducaverunt, & adoraverunt omnes pingues terræ : * in conspectu ejus cadent omnes qui descendunt in terram.

Et ánima mea illi vivet : * & semen meum serviet ipsi.

Annuntiabitur Dòmino generatio ventura : * & annuntiabunt cœli justitiam ejus pôpulo qui nascetur , quem fecit Dominus.

Antiph. Factum est cor meum tamquam cera liquecens in medio ventris mei.

Antiph. Speravit cor meum in Dòmino , & adjutus sum : & reflóruit caro mea.

Psalmus 27.

Ad te , Dòmine , clamabo , Deus meus ne sileas á me : * ne quando taceas á me , & assimilabor descendéntibus in lacum.

Exaudi Dòmine vocem deprecationis meæ , dum oro ad te : * dum extollo manus meas ad templum sanctum tuum.

Ne simul trahas me cum peccatòribus : * & cum operantibus iniquitatem ne perdas me.

Qui loquuntur pacem cum proximo suo : * mala autem in cordibus eorum.

Da illis secúndum opera eorum : * secúndum nequitiam adinventionum ipsorum.

Secúndum ópera manuum eorum tribue illis : * redde retributionem eorum ipsis.

Quoniam non intellexérunt ópera Dòmini , & in ópera manuum ejus : * destrues illos , & non ædificabis eos.

Benedictus Dòminus : * quoniam exaudit vocem deprecationis meæ.

Dòminus adjutor meus , & protector meus : * in ipso speravit cor meum , & adjutus sum.

Et reflóruit caro mea : * & ex voluntate mea confitebor ei.

Dòminus fortitudo plebis suæ : * & protector salvationum Christi sui est.

Salvum fac pôpulum tuum , Dòmine , & benedic hæreditati tuæ : * & rege eos , & extolle illos usque in æternum.

Aña. Speravit cor meum in Dòmino , & adjutus sum : & reflóruit caro mea.

Antiph. Convertisti planctum meum in gaudium mihi , & circumdedisti me lætitia.

Psalmus 29.

Exaltabo te Dòmine , quoniam suscepisti me : * nec delectasti inimicos meos super me.

Dòmine Deus meus clamavi ad te : * & sanasti me.

Dòmine eduxisti ab inferno ánimam meam : * salvasti me á descendantibus in lacum.

Psállite Dòmino sancti ejus : * & confitēmini memoriæ sanctitatis ejus.

Quoniam ira in indignatione ejus : & vita in voluntate ejus.

Ad vésperum demórabitur fletus : * & ad matutinum lætitia.

Ego autem dixi in abundantia mea : * Non movebor in æternum.

Dòmine in voluntate tua : * prestitisti decori meo virtutem.

Avertisti faciem tuam á me : * & factus sum conturbatus.

Ad te , Dòmine , clamabo : * & ad Deum meum deprecabor.

Quæ utilitas in sanguine meo : * dum descendō in corruptionem ?

Nunquid confitebitur tibi pulvís , * aut annuntiabit veritatem tuam ?

Audivit Dòminus , & misertus est mei : * Dòminus factus est adjutor meus.

Convertisti planctum meum in gaudium mihi : * considisti saccum meum , & circumdedisti me lætitia.

Ut cantet tibi gloria mea ; & non compungar : * Dòmine Deus meus , in æternum confitebor tibi.

Antiphona. Convertisti planctum meum in gaudium mihi , & circumdedisti me lætitia.

V. Ego autem in Dòmino gaudebo.

R. Et exultabo in Deo Jesu meo. *Pat. nost.* *Absolutio.* Exaudi Dòmine.

V. Jube Dòmine benedicere.

Benedictio. Benedictione perpetua.

De Epistola B. Pauli Apostoli ad Ephesios.

Lectio i. Cap. 1.

BEnedictus Deus , & Pater Dòmini nostri Jesu Christi , qui benedixit nos in omni benedictione spirituali in cœlestibus in Christo. Sicut elegit nos in ipso ante Mundi constitutionem , ut essemus sancti & immaculati in conspectu ejus , in charitate. Qui prædestinavit nos in adoptionem filiorum per Jesum Christum in ipsum , secundum propositum voluntatis suæ , in laudem gloriæ gratiæ suæ : in qua gratificavit nos in dilecto Filio suo : in quo habemus redemptionem , per sanguinem ejus , remissionem peccatorum , secundum divitias gratiæ ejus. Propterea non cessò gratias agens pro vobis memoriam vestri faciens in orationibus meis : ut Deus , Dòmini nostri Jesu Christi Pater gloriæ , det vo-

B

bis spiritum sapientiae, & revelationis, in agnitione ejus illuminatos oculos cordis vestri: ut sciatis quae sit spes vocationis ejus, & quae divitiae gloriae haereditatis ejus in sanctis.

R. Gratificavit nos Deus in dilecto Filio suo: * In quo habemus redemptionem per sanguinem ejus, remissionem peccatorum.

V. Det nobis Dominus illuminatos oculos cordis nostri, in agnitione ejus.

In quo habemus.

Lectio ii. Cap. 2.

Deus autem, qui dives est in misericordia, propter nimiam charitatem suam qua dilexit nos, & cum essemus mortui peccatis, convivificavit nos in Christo (cujus gratia estis salvati) & conresuscitavit, & consedere fecit in caelestibus in Christo Jesu: ut ostenderet in saeculis supervenientibus abundantes divitias gratiae suae, in bonitate super nos, in Christo Jesus. Ipse enim est pax nostra, qui fecit utraque unum; & medium parietem maceriae solvens, inimicitias in carne sua: legem mandatorum decretis evacuans, ut duos condat in semetipso in unum novum hominem faciens pacem: & reconciliet am-

bos in uno corpore Deo, per crucem: interficiens inimicias in semetipso: & veniens evangelizavit pacem vobis, qui longe fuistis, & pacem iis, qui propè: Quoniam per ipsum habemus accessum ambo in uno spiritu ad Patrem.

R. Propter nimiam charitatem suam, quae dilexit nos Deus, ostendit abundantes divitias gratiae suae: * In bonitate super nos, in Christo Jesu.

V. Ipse enim est pax nostra: per quam habemus accessum ad Patrem.

In bonitate super nos.

Lectio iii. Cap. 3.

HUJUS rei gratia flecto genua mea ad Patrem Domini nostri Iesu Christi, ex quo omnis paternitas in caelis & in terra nominatur, ut det vobis, secundum divitias gloriae suae, virtute corroborari per spiritum ejus in interiorum hominem: Christum habitare per fidem in cordibus vestris: in charitate radicati, & fundati: ut possitis comprehendere cum omnibus sanctis, quae sit latitudo, & longitudo, & sublimitas, & profundum: scire etiam supereminentem scientiae charitatem Christi: ut

impleteámini in omnem plenitudinem Dei.
Ei autem, qui potens est omnia facere superabundanter quam petimus, aut intelligimus, secundum virtutem, quae operatur in nobis: ipsi gloria in Ecclesia, & in Christo Jesu, in omnes generationes sæculi sæculorum. Amen.

R. Det nobis Dóminus virtute corroborari, per spiritum ejus, in interiore hominem:

Christum habitare per Fidem in cordibus nostris.

V. Ut in charitate radicati, & fundati, comprehendamus supereminente scienciam charitatem Christi.

Christum habitare:
Gloria Patri. Christum habitare.

IN II. NOCTURNO.

Antiph. Gustate, & videte, quoniam suavis est Dóminus: beatus vir qui sperat in eo.

Psalmus 33.

Benedicam Dóminum in omni tempore: * semper laus ejus in ore meo.
In Dómino laudabitur anima mea: *

audiant mansueti, & lætentur.

Magnificate Dóminum mecum: * & exalteamus nomen ejus in idipsum.

Exquisivi Dóminum, & exaudivit me: * & ex omnibus tribulatiōnibus meis eripuit me.

Accédite ad eum, & illuminámini, * & facies vestræ non confundentur.

Iste pauper clamavit, & Dóminus exaudiuit eum: * de omnibus tribulatiōnibus ejus salvavit eum.

Immittet Angelus Dómini in circuitu timentium eum, * & eripiet eos.

Gustate, & videte quoniam suavis est Dóminus: * beatus vir, qui sperat in eo.

Timéte Dóminum omnes sancti ejus: * quoniam non est inopia timéntibus eum.

Dívites egúerunt, & esuriérunt: * inquirentes autem Dóminum non minuéntur omni bono.

Venite filii, audite me: * timorem Dómini docebo vos.

Quis est homo qui vult vitam: * diligit dies videre bonos?

Prohibe linguam tuam á malo, * & lábia tua ne loquántur dolum.

Divérte á malo, & fac bonum: * inquire pacem, & perséquere eam.

Oculi Dómini super justos, * & aures ejus in preces eórum.

Vultus autem Dómini super facientes mala : * ut perdat de terra memòriam eórum.

Clamavérunt justi , & Dóminus exaudiuit eos , * & ex ómnibus tribulatióibus eórum liberavit eos.

Juxta est Dóminus iis , qui tribulato sunt corde , * & humiles spiritu salvábit.

Multa tribulationes justórum , * & de ómnibus his liberavit eos Dóminus.

Custodit Dóminus omnia ossa eórum : * unum ex his non conteretur.

Mors peccatórum pessima,* & qui oderunt justum , delinquent.

Rédimet Dóminus áimas sérvorum suorum , * & non delinquent omnes qui sperant in eo.

Antiph. Gustáte , & videte , quóniam suávis est Dóminus : beatus vir , qui sperat in eo.

Antiph. Propter veritatem , & mansuetudinem , & justitiam intende , prosperè procede , & regna.

Psalmus 44.

ERuctavit cor meum verbum bonum : * dico ego ópera mea Regi.

Lingua mea cálamus scribæ , * velociter scribentis.

Speciosus forma præ filiis hominum , diffusa est gratia in lábiis tuis : * propterea benedixit te Deus in æternum.

Accíngere gladio tuo super femur tuum , * potentissimé.

Specie tua , & pulchritudine tua : * intende , prosperè procede , & regna.

Propter veritatem , & mansuetudinem , & justitiam , * & deducet te mirabiliter dextera tua.

Sagittæ tuæ acutæ , pópuli sub te ca dent , * in corda inimicòrum regis.

Sedes tua Deus in sæculum sæculi : * virga directiōnis , virga regni tui.

Dilexisti justitiam , & odisti iniquitatem : * propterea unxit te Deus , Deus tuus oleo lœtitiae præ consòrtibus tuis.

Myrra & gutta , & casia á vestimentis tuis , á domibus eburneis : * ex quibus delectavérunt te filiæ regum in honore tuo.

Astitit regina á dextris tuis in vestitu deaurato : * circúmdata varietate.

Audi filia , & vide & inclina aurem tuam : * & obliviscere pòpulum tuum , & domum patris tui.

Et concupiscet Rex decorem tuum : *

quóniam ipse est Dóminus Déus tuus, & adorabunt eum.

Et filiæ Tyri in munéribus, * vultum tuum deprecabuntur omnes divites plebis.

Omnis gloria ejus filiæ Regis ab intus, * in fimbriis aureis circumamicta varietatibus.

Adducéntur Regi virgines post eam : * próxime ejus afferentur tibi.

Afferentur in lætitia , & exultatióne : * adducéntur in templum Regis.

Pro patribus tuis nati sunt tibi filii : * constitues eos principes super omnem terrā.

Mémores erunt nóminis tui : * in omni generatione , & generationem.

Proptereá pópuli confitebuntur tibi in æternum , * & in sæculum sæculi.

Antiph. Propter veritatem , & mansuetudinem, & justitiam intende , prosperé procede, & regna.

Antiph. Judicabit Pópulum in justitia , & páuperes in judicio.

Psalmus 71.

Deus judicium tuum regi da , * & justitiam tuam filio regis.

Judicare pópulum tuum in justitia , * & páuperes tuos in judicio.

Suscipient montes pacem pôpulo : * &

colles justitiam.

Judicabit páuperes pôpuli , & salves faciet filios páuperum : * & humiliabit calumniatorem.

Et permanebit cum sole , & ante lunam : * in generatione , & generationem.

Descendet sicut pluvia in vellus , * & sicut stillicidia stillântia super terram.

Orietur in diebus ejus justitia , & abundantia pacis : * donec auferatur luna.

Et dominabitur á mari usque ad mare : * & à flumine usque ad terminos orbis terrarum.

Coram illo pròcident Æthíopes : * & inimici ejus terram lingent.

Reges Tharsis , & insulæ múnera offrent : * reges Arabum , & Saba dona adducent.

Et adorabunt eum omnes reges terræ : * omnes Gentes servient ei:

Quia liberabit páuperem á potente , * & páuperem , cui non erat adjutor.

Parcer páuperi , & inopi : * & ànimas páuperum salvas faciet.

Ex usuris & iniuitate redimet ànimas eorum : * & honorabile nomen eorum coram illo.

Et vivet , & dàbitur el de auro Arabiae,

& adorabunt de ipso semper : * tota die benedicent ei.

Et erit firmamentum in terra in summis montium , superextolleetur super Libanum fructus ejus : * & florebunt de civitate sicut foenum terrae.

Sit nomen ejus benedictum in saecula : * ante solem permanet nomen ejus.

Et benedicentur in ipso omnes tribus terrae : * omnes Gentes magnificabunt eum.

Benedictus Dómiuus Deus Israël , * qui facit mirabilia solus.

Et benedictum nomen majestatis ejus in æternum : * & replébitur majestate ejus omnis terra : fiat , fiat.

Antiph. Judicabit Pòpulum in justitia , & pàuperes in judicio.

V. Mihi autem adhærere Deo bonum est.

R. Pònere in Dòmino Deo spem meam. Pater noster.

Absolutio. Ipsijs pietas.

V. Jube Dòmne benedicere.

Benedictio. Deus Pater omnipotens.

De Sermone S. Bernardi Abbatis.

Serm. 3. de Pass.

Lectio iv.

Quia semel venimus ad Cor dulcissimum Jesu , & bonum est nos hic esse , ne sinamus nos facile avelli ab eo , de quo scriprum est : recedentes á te in terra scribentur. Quid autem accedentes ? Tu ipse doces nos : Tu dixisti accedéntibus ad te : Gaudéte quia nòmina vestra scripta sunt in Cœlo. Accedamus ergo ad te , & exultabimus , & lætabimur in te , mémores Cordis tni. O quam bonum , & quam jucundum habitare in Corde hoc ! Quin potius dabo omnia , omnes cogitationes , & affectus mentis commutabo , jactans omne cogitatum meum in Cor Dómini Jesu , & sine fallacia illud me enutriet.

R. Introduxit me Rex in cellaria sua : ordinavit in me charitatem , * Fulcite me flôribus , stipate me malis ; quia amore langueo.

V. Sub umbra illius , quem desideràveram , sedi : & fructus ejus dulcis gutturi meo. Fulcite me

Lectio v.

Ad hoc Templum , ad hæc Sancta Sanctorum , ad hanc Arcam Testamenti adorabo , & laudabo nomen Dómini ,

dicens cum David : Invénit cor meum , ut orem Deum meum. Et ego invéni Cor Regis , Fratris , & Amici benigni Jesu. Et nunquid non adorabo ? Hoc igitur Corde tuo , & meo, dulcissime Jesu, invento, orabo te Deum meum : admitte tantum in Sacerarium exauditionis tuæ preces meas ; immó me totum trahe in Cor tuum. O ómnium pulchritudine speciosissime Jesu , amplius lava me ab iniuitate mea , & à peccato meo munda me ; ut purificatus per te puríssimum , possim accedere , & in Corde tuo ómnibus diebus vitæ meæ merear habitare , & ut videre simul , & facere tuam valeam voluntatem.

R. Haurietis aquas in gaudio de fóntibus Salvatoris : & dicetis in illa die : * Confitemini Dòmino , & invoke nomen ejus.

V. Ecce Deus Salvator meus fiducialiter agam , & non timebo. Cofitímini.

Lectio vi.

AD hoc enim perforátum est latus tuum, ut nobis patescat intróitus. Ad hoc vulneratum est Cor tuum , ut in illo , & in te ab exteriòribus perturbationib⁹ absoluti , habitare possimus. Nihilominus & propterea vulneratum est , ut per vulnus

visible , vulnus amoris invisible vid^{ea-}²⁹amus. Quómodo hic ardor melius ostendit potest , nisi quod non solum Corpus , verum etiam ipsum Cor lancea vulnerari permisit ? Carnale ergo vulnus , spiritualē ostendit. Quis illud Cor tam vulneratum non diligat ? Quis tam amans non redamet ? Quis tam castum non amplectatur ? Nos igitur adhuc in corpore manentes , quantum possumus amemus , redamemus , amplectamur vulneratum nostrum , cuius impii agricolæ fodérunt manus , & pedes , latus , & Cor : Stemusque , ut cor nostrum durum adhuc , & impoenitens amoris sui vinculo constringere , & jàculo vulnerare dignetur.

R. Auferam cor làpideum de carne vestra , & dabo vobis cor carneum , * Et spiritum meum ponam in medio vestri.

V. Effundam super vos aquam vivam ; & mundabimini ab omnibus inquinamentis vestris. Et spiritum meum. Gloria Patri,
Et spiritum meum.

IN III. NOCTURNO.

Ana. Misericoadiam , & veritatem dilit Deus : gratiam , & gloriam dabit Dñus.

PSALMUS 83.

QUam dilecta tabernacula tua Dòmine virtutum ! * concupiscit & deficit anima mea in atria Domini.

Cor meum & caro mea : * exultaverunt in Deum vivum.

Etenim passer invénit sibi domum : * & turtur nidum sibi , ubi ponat pullos suos.

Altària tua Dòmine virtutum : * Rex meus , & Deus meus.

Beati , qui hànitant in domo tua Dòmine : * in sècula sèculorum laudabunt te.

Beatus vir , cuius est auxilium abs te : * ascensiones in corde suo dispòsuit , in valle lacrymarum , in loco quem posuit.

Etenim benedictionem dabit legislator , ibunt de virtute in virtutem : * videbitur Deus deòrum in Sion.

Dòmine Deus virtutum exaudi orationem meam : * auribus pércepe Deus Jacob.

Protector noster áspice Deus , * & résponce in faciem Christi tui.

Quia mélior est dies una in átriis tuis : * super millia.

Elegi abjectus esse in domo Dei mei : * magis quam habitare in tabernaculis peccatorum.

Quia misericordiam , & veritatem diligit

Deus : * gratiam , & gloriam dabit Dñus.

Non privabit bonis eos , qui ambulant in innocentia : * Dòmine virtutum , beatus homo qui sperat in te.

Antiph. Misericordiam , & veritatem diligit Deus : gratiam , & gloriam dabit Dòminus.

Antiph. Dòminus dabit benignitatem , loquetur pacem in plebem suam.

Psalmus 84.

BEnedixisti Dòmine terram tuam : * avertisti captivitatem Jacob.

Remisisti iniquitatem plebis tuæ : * operuisti omnia peccata eòrum.

Mitigasti omnem iram tuam : * avertisti ab ira indignationis tuæ.

Convérite nos Deus salutaris noster : * & averte iram tuam á nobis.

Nunquid in æternum irascéris nobis ? * aut extenes iram tuam á generatione in generationem ?

Deus tu conversus vivificabis nos : * & plebs tua lètabitur in te.

Ostende nobis Dòmine misericordiam tuam : * & salutare tuum da nobis.

Audiam quid loquatur in me Dòminus Deus : * quoniam loquetur pacem in ple-

bem suam.

Et super sanctos suos , * & in eos qui convertuntur ad cor.

Verúntamen propé timentes eum salutare ipsius : * ut inhábitet gloria in terra nostra.

Misericordia , & veritas obviavérunt sibi : * justitia & pax osculatæ sunt.

Veritas de terra orta est: * & justitia de cœlo prospexit.

Etenim Dòminus dabit benignitatem: * & terra nostra dabit fructum suum.

Justitia ante eum ambulabit : * & ponet in via gressus suos.

Antiph. Dòminus dabit benignitatem , loquetur pacem in plebem suam.

Antiph. Suavis , & mitis es , Dòmine , & multæ misericordiæ omnibus invocántibus te.

Psalmus 85.

Inclina Dòmine aurem tuam , & exaudi me : * quoniam inops & pauper sum ego.

Custodi ánimam meam, quóniam sanctus sum : * salvum fac servum tuum, Deus meus , sperantem in te.

Miserere mei Dòmine , quoniam ad te clamavi tota die : * lætifica animam servi

tui, quóniam ad te Dòmine animam meam levavi.

Quóniam tu Dòmine suavis & mitis: * & multæ misericordiæ omnibus invocantibus te.

Auribus percipe Domine orationem meam : * & intende voci deprecationis meæ.

In die tribulationis meæ clamavi ad te: * quia exaudisti me.

Non est similis tui in diis Dòmine : * & non est secúndum ópera tua.

Omnes Gentes quascumque fecisti , vénient , & adorabunt coram te Dòmine : * & glorificabunt nomen tuum.

Quóniam magnus es tu , & faciens mirabilia : * tu es Deus solus.

Deduc me Dòmine in via tua , & ingrédiar in veritate tua : * lactetur cor meum ut timeát nomen tuum.

Confitebor tibi Dòmine Deus meus in toto corde meo : * & glorificabo nomen tuum in æternum.

Quia misericordia tua magna est super me , * & eruisti ánimam meam ex inferno inferiori.

Deus , iniqui insurrexerunt super me , & synagoga potentium quæsiérunt ánimam

meam : * & non propositurunt te in conspectu suo.

Et tu Domine Deus miserator & misericors , * patiens , & multæ misericordiæ , & verax.

Réspice in me , & miserere mei , * da imperium tuum pueru tuo , & salvum fac filium ancillæ tuæ.

Fac mecum signum in bonum , ut videant qui odérunt me , & confundantur : * quóniam tu Domine adjuvisti me , & consolatus es me.

Antiph. Suavis , & mitis es , Dómine , & multæ misericordiæ omnibus invocantibus te.

V. Misericordia Dómini ab æterno.

R. Et usque in æternum , super timentes eum. **Pater noster.**

Antiph. A vinculis.

V. Jube Dómine benedicere.

Benedictio. Evangèlica lectio.

Lectio Sancti Evangelii secúndum Ioannem Cap. 15. 9.

Lectio vii.

TN illo tempore dixit Jesus Discipulis suis : Sicut dilexit me pater , & ego

dilexi vos. Manete in dilectione mea. Et reliqua.

Homilia Sancti Bernardi Abbatis

Serm. 13. in Cœna Dómini.

DE dilectione Dei quò plus bibo , plus sitio : & ea saturari non possum ; nec ego , nec aliquis diligens Christum. Ipsa quò plus editur , plus famem exauget : & quantó plus ipsa babitur , plus sitim inacuit : ipsam , quam inhàvitatem , sic inébriat , ut nihil jam quærat , vel diligit , nec diligere possit , nec valeat , præter eum , qui sic mundum dílexit , ut Filiū suum unigénitum daret ; ut omnis , qui credit , & diligit illum , non moriatur , sed vivat cum eo. Ad hanc nos dilectionem auctor ipse inæstimabilis charitatis invitat : in eo nos manére precatur , & rogat. Ait enim : Manete in dilectione mea : ac si aperté dicat : Quia ego ea dilectione , qua me Pater diligit , vos diligo ; eadēm dilectione me , vos diligere rōgo. Et quóniam dilectio vestra me usque ad mortem perduxit , sed neque mors crux

delissima ipsa à vestra charitate me sejunxit , me diligit ; & in ea dilectione manete.

R. Sicut dilexit me Pater , & ego dilexi vos : * Manete in dilectione mea.

V. Si præcepta mea servavéritis , manébitis in dilectione mea , sicut & ego Patris mei præcepta servavi , & maneo in ejus dilectione. **Manete.**

Lectio viii.

Sed quáliter in ejus dilectione manére debeamus , sequitur , & dicit : Si præcepta mea servavéritis , manébitis in ea dilectione : Sicut Patris mei præcepta servavi , & maneo in ejus dilectione. Hæc opera , Fratres mei , sunt causa dilectionis Christi : unusquisque vestrum videat , si Dóminum Jesum diligere debeat. Quid pro nobis facere debuit , & non fecit ? Quòmodo nos plus amare potuit , & non amavit ? Majorem in nobis dilectionem non potuit habere , quam habuit : quia ánimam suam pro nobis posuit. Ipsa beata veritas testis est , quam majorem nemo habet , ut ánimam suam ponat quis pro amicis suis. Non ergo nobis vilescat , Fratres mei , ipsa dilectio Christi , qui dilexit nos , & lavit nos á pec-

eatls nostris in sanguine suo : non vobis vilescat , Fratres mei , non vobis amarescat ipse amor Christi , ipsa charitas Christi.

R. Christus pro nobis ánimam suam posuit : * & lavit nos á peccatis nostris in sanguine suo.

V. Majorem charitatem nemo habet , ut ánimam suam ponat quis pro amicis suis.

Et lavit nos. **Gloria Patri.**

Et lavit nos.

Lectio ix.

A Mor Christi totus dulcis , totus delectabilis: suum possesorem non crúciat , sed delectat : non enervat , sed ròborat : cuncta terrena subsannat ; sola cœlestia captat. Christi mandata requirit , & ea pro viribus observare conteadit : & de observatione præceptorum gressu felici provehitur ad perceptionem gaudiorum , ut cum illo jam perfecté gaudeat , pro cujus desiderio in hac valle lacrymarum positus tam amaré feliciter sùspirabat. Unde recté sequitur : Hæc locutús sum vobis , ut gaudium meum in vobis sit , & gaudium vestrum impleáatur ; ac si diceret : Ideo præcipio vobis , & mòneo vos mea obserbare præcepta , & manére in dilectione

mea , ut gaudium meum in vobis sit ; & gaudium vestrum de me adimpleatur ; ut habeam de vobis per mutuam charitatem , quam nihil impénditis , unde possim gaudere : & illud gaudium , quod in retributio-
ne præmiorum electi sunt percepturi , percipere , & possidere possitis.

Te Deum laudamus.

Ad Laudes.

Antiph. Discite á me quia mitis sum , & humiliſi corde ; & inveniētis requiem animābus vestris.

Psalm. Dòminus regnavit , cum reliq. de
Laudibus Dominicæ.

Antiph. Suavis est Dòminus , & in æternum misericordia ejus.

Antiph. Sitivit in te ánima mea ; quia melior est misericordia tua super vitas.

Antiph. Sancti , & húmiles corde , benedicte Dòmino : Laudate , & superexalte eum in sæcula.

Antiph. Beneplàcitum est Dòmino in po-
pulo suo : & exaltabit mansuetos in salutem.

Capitulum Cant. 3.

Egredímini , & videte , Filiae Sion , re-
gem Salomonem in diadémate , quo

coronavit eum mater sua in die despon-
sationis ejus , & in die lætitiae Cordis ejus.

HYMNUS.

Summi Parentis Filio ,
Patri futuri sæculi ,
Pacis beatæ Principi ,
Promamus ore canticum.

Qui vulneratus pectore
Amoris ictum pertulit ,
Amoris urens ignibus
Ipsum qui amantem diligunt.

Jesu doloris victima ,
Quis te innocentem compulit ,
Dura ut apertum lancea
Latus patéret vulnéri ?

O fons amoris inclite !
O vena aquarum limpida !
O flamma adūrens crimina !
O Cordis ardens charitas !

In Corde , Jesu , jugiter
Reconde nos , ut uberi
Dono fruamur gratiæ ,
Cœlique tandem præmiis.

Semper Parènti , & Filio
Sit laus , honor , sit gloria ,
Sancto simul Paráclito
In sæculorum sæcula . Amen.

¶. Misericordia Dòmini ab æterno.
R. Et usque in æternum super timentes
eum.

Ad Benedictus.

Antiph. Per viscera misericordiae suæ
visitavit nos Deus, & fecit redemptionem
pópuli sui. Alleluia.

ORATIO.

Fac nos, Dòmine Jesu, Sanctissimi Cor-
dis tui virtutibus indui, & afféctibus
inflammari: ut & imàgini bonitatis tuæ con-
formes, & tuæ Redemptionis mereamur esse
participes. Qui vivis & regnas.

Ad Primam.

Antiph. Discite á me.

R. br. Christe Fili Dei vivi, * Miseré-
re nobis. Christe.

¶. Per quein salvati, & liberati sumus.
Miserere. Gloria Patri. Christe.

¶. Exurge Christe. R. Et libera nos.

Ad Absol. Capit.

Lect. br. Impropérium expectavit cor
meum, ut infra ad Nonam.

Ad Tertiām.

Antip. Suavis est Dòminus

Capit. Egredimini, ut ad Laudes.

R. br. Misericordia tua Dòmine, plena
est terra. Misericordia tua.

¶. justificationes tuas doce me. Plena est
terra. Gloria Patri. Misericordia tua Dñe.

¶. Secundum misericordiam tuam vivifi-
ca me, Dòmine.

R. Et custodiam testimonia oris tui.

Ad Sextam.

Antiph. Sitivit in te.

Capitulum. Cant. 8. 6.

Pone me ut signaculum super cor tuum,
ut signaculum super brachium tuum,
quia fortis est, ut mors, dilectio.

R. br. Secundum misericordiam tuam, *
vivifica me, Dòmine. Secundum.

¶. Et custodiam testimonia oris tui. Vi-
vifica me, Dòmine. Gloria Patri. Secundum
misericordiam.

¶. Fàc cum servo tuo secundum mis-
ericordiam tuam.

R. Et doce me justificationes tuas.

Ad Nonam.

Antiph. Beneplacitum.

Capitulum. Psalm. 68.

Imporéium expectavit cor meum, &
miseriam: & sustinui, qui simul con-

tristaretur, & non fuit: qui consolatur, & non inveni.

R. br. Fac cum servo tuo: * secundum misericordiam tuam: Fac cum servo tuo.

¶. Et justificationes tuas doce me. Secundum misericordiam tuam: Gloria Patri. Fac cum servo tuo.

¶. Veniat super me misericordia tua, Dómine.

R. Salutare tuum, secundum elðquium tuum.

In ii. Vespris.

Omnia ut in primis, præter sequentia.

¶. Misericordia Dómini á progenie in progenies.

R. Timentibus eum.

Ad Magnificat.

Antiph. Suscepit nos Dóminus in sinum, & Cor suum, recordatus misericordiæ suæ. Alleluia.

Oratio, ut supra.

PIUS PP. VII.

AD FUTURAM REI MEMORIAM.

Expositum nobis nuper fuit pro parte caríssimi in Christo Filii nostri Ferdinandi VII. Hispaniarum Regis Catholici, quod ipse ad magis, magisque confoverdam, augendamque devotionem erga sanctissimam Passionem Domini nostri Jesu Christi, Officium cum Missa sacratissimi Cordis Jesu jam alius approbatum pro Regnis Portugalie, & Algarbiorum recitandum, & respectivé célebrandum Feria VI. post Octavam Solemnitatis SSmi. Corporis Christi ab universo Clero tam sacerdotali, quam regulari ritu duplici secundæ classis, extendi ad omnia Regna, & Ditiones prædictæ Majestatis suæ summoperé desiderat. Nobis propterea ejusdem Majestatis suæ nomine humiliter supplicatum fuit, ut in præmissis opportune providere, ac, ut infra, indulgere de benignitate Apostolica dignaremur. Nos igitur piis ejusdem Majestatis suæ votis, quantum cum Domino possumus, annuere volentes, & omnes ac singulares personas, quibus præsentes nostræ Litteræ favent, á quibusvis excomu-

nionis , suspensionis , & interdicti , aliisque ecclesiasticis sententiis , censuris , & pœnis à jure , vel ab homine quavis occasione , vel causa latis , si quibus quomodolibet innodatae existunt , ad effectum præsentium dumtaxat consequendum harum serié absolveri , & absolutas fore censentes , hujusmodi supplicationibus inclinati , referente dilecto Filio Magistro Sala , Secretario Coadjutore Congregationis venerabilium Fratrum nostrorum S. R. E. Cardinalium Sacris Ritibus præpositorum , Officium cum Missa sacratissimi Cordis Jesu jam aliâs approbatum pro Regnis Portugaliæ , & Algarbiorum recitandum & respectivè celebrandum Feria VI. post Octavam Solemnitatis SSmi. Corporis Christi ab universo Clero tam sæculari , quam regulari ritu duplici secundæ classis , ad omnia Regna , & Ditiones Hispaniarum Majestati suæ subjectas , auctoritate Apostolica , tenore præsentium extendimus . Non obstantibus constitutionibus , & ordinationibus Apostolicis , aliisque contrariis quibuscumque . Volumus autem , ut præsentium Litterarum transumptis etiam impressis , & manu alicujus Notarii publici subscriptis , & sigilo personæ in ecclesiastica dignitate constitutæ munitis , eadem

prorsus fides in judicio , & extrâ adhibetur , quæ ipsis præsentibus adhiberetur , si forent exhibitæ , vel ostensæ . Datum Romæ apud Sanctam Mariam Majorem sub Anulo Piscatoris die VII. Decembris MDCCXV. Pontificatus nostri anno decimo sexto .

R. Card. Braschius de Honestis.